



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa tačkom 2. i 4. Zaključka Vlade Federacije BiH V broj 40/2021 od 14.01.2021. godine i poglavlja VII tačka 1. Naredbe Kriznog štaba Federalnog ministarstva zdravstva (prilog 1. Zaključka), na elektronskoj sjednici održanoj dana 20.01.2021.godine donio je sljedeći

ZAKLJUČAK

Povodom zahtijeva Ministarstva obrazovanja, nauke, kulture i sporta br. 10-34-767-1/21 od 15.01.2021. godine, za ublažavanjem epidemioloških mjera u odgojno-obrazovnim ustanovama, Krizni štab Ministarstva zdravstva, rada i socijalne politike Unsko-sanskog kantona:

- Podržava očitovanje Zavoda za javno zdravstvo Unsko-sanskog kantona br. 172/21 od 19.01.2021. godine, kojim se kao preuranjeno procjenjuje ukidanje fizičke distance od 2 metra tokom odvijanja nastave i ograničavanje broja učenika u prostoru u kojem se održava nastava na brojno stanje kojim će se poštovati propisana fizička distanca;
- Trajanje nastavnog časa još uvijek treba ostati skraćeno u uvjetima održavanja redovne nastave u prostoru škola, obzirom da se time umanjuje ukupno vrijeme svih osoba provedeno u zajedničkom prostoru škole, čime se umanjuje i potencijalni rizik prijenosa Covid-19 virusa. Također, skraćeno trajanje nastavnog časa olakšava poštivanje obaveze stalnog korištenja zaštitnih maski za lice za uposlenike škola, učenike osnovnih škola u predmetnoj nastavi kao i sve učenike srednjih škola;
- Do novog evaluiranja epidemioloških mjera od strane Kriznog štaba Federalnog Ministarstva zdravstva i Zavoda za javno zdravstvo FBiH, na snazi ostaju epidemiološke mjere propisane Instrukcijom o organizaciji odgojno-obrazovnog rada u osnovnim i srednjim školama na području Unsko-sanskog kantona za školsku 2020/21 godinu br. 10-34-10876-1/20 od 31.08.2020. godine, odnosno epidemiološke mjere koje je Zavod za javno zdravstvo Unsko-sanskog kantona propisao svojim Preporukama za škole u kontekstu Covid-19 za školsku 2020/21 godinu od 26.08.2020. godine.

Broj: 09-34-767-2/21
Bihać, 20.01.2021. godine



Predsjednica Kriznog štaba MZRSP USK
dr. sc. prim. Nermina Čemalović s.r.
spec. medicine rada